



REPUBLIKA E SHQIPËRISË

SHOQËRIA RAJONALE UJËSJELLËS KANALIZIME SHKODËR SH.A

Date 13.08.2026

PROCESVERBAL – Tipi i kontratës - Sherbime

PËR ARGUMENTIMIN DHE MIRATIMIN E KRITEREVE PËR KUALIFIKIM

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS: Instalim dhe konfigurim i Firewall-it, Proxy Server-it dhe Active Directory

KODI PËRKATËS NË FJALORIN E PËRBASHKËT TË PROKURIMIT (CPV):

paketa software dhe sisteme informacioni

VLERA E FONDIT LIMIT:

3,493,333 (tre milion e katerqind e nentdhjete e tre mije e treqind e tridhjetë e tre) leke pa TVSH. Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor SHRUKSH ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

TERMAT E REFERENCES

1. QËLLIMI

Autoriteti Kontraktor kërkon implementimin e një zgjidhjeje të integruar për sigurinë dhe administrimin e infrastrukturës IT, me qëllim:

- Rritjen e sigurisë së rrjetit dhe mbrojtjen ndaj kërcënimeve kibernetike;
- Menaxhimin e centralizuar të përdoruesve dhe pajisjeve;
- Kontrollin e aksesit në internet dhe burimet e brendshme;
- Monitorimin dhe auditimin e aktiviteteve në rrjet;
- Zbatimin e politikave të sigurisë në nivel institucional.

2. KËRKESAT TEKNIKE

2.1 Implementimi i Firewall-it

Operatori ekonomik duhet të realizojë instalimin, konfigurimin, optimizimin dhe vënien në punë të Firewall-it, duke siguruar mbrojtjen e infrastrukturës së rrjetit dhe kontrollin e trafikut hyrës dhe dalës.

Konfigurimi duhet të përfshijë minimalisht:

- Konfigurimin e ndërfaqeve WAN, LAN dhe VLAN sipas arkitekturës së institucionit;
- Segmentimin logjik të rrjetit dhe izolimin e zonave të sigurisë;
- Krijimin dhe implementimin e politikave të sigurisë (Security Policies);
- Konfigurimin e NAT, Port Forwarding dhe Routing;
- Implementimin e kontrollit të aksesit bazuar në burim, destinacion, përdorues dhe shërbime;
- Konfigurimin e VPN për akses të sigurt në distancë dhe/ose lidhje ndërmjet lokacioneve;
- Konfigurimin e IPS (Intrusion Prevention System);
- Konfigurimin e Web Filtering sipas politikave të institucionit;
- Konfigurimin e Application Control;
- Konfigurimin e mekanizmave të mbrojtjes ndaj kërcënimeve të njohura;
- Konfigurimin e monitorimit dhe regjistrimit të ngjarjeve (Logging);
- Konfigurimin e alarmeve dhe njoftimeve për ngjarje kritike;
- Konfigurimin e aksesit administrativ të sigurt;
- Backup dhe rikuperim të konfigurimeve;
- Integrimin me Active Directory për autentikim dhe politika të bazuara në përdorues dhe grupe;
- Integrimin me Proxy Server për menaxhim të centralizuar të trafikut të internetit.

2.2 Implementimi i Proxy Server

Operatori ekonomik duhet të implementojë dhe konfigurojë Proxy Server, duke siguruar:

- Filtrim të aksesit në internet sipas politikave të institucionit;
- Menaxhim të aksesit sipas përdoruesve dhe grupeve;
- Politika të diferencuara sipas departamenteve;
- Raportim dhe auditim të aktivitetit të përdoruesve;
- Caching për optimizimin e performancës dhe përdorimit të bandwidth-it;
- Integrim të plotë me Active Directory;
- Integrim me Firewall-in për zbatim të unifikuar të politikave të sigurisë.

2.3 Implementimi i Active Directory

Operatori ekonomik duhet të implementojë dhe konfigurojë Active Directory duke përfshirë:

- Krijimin dhe konfigurimin e Domain-it;
- Konfigurimin e DNS;
- Krijimin e Organizational Units (OU);

- Menaxhimin e përdoruesve, grupeve dhe roleve;
- Implementimin e Group Policy Objects (GPO);
- Politika sigurie për autentikim dhe kontroll aksesi;
- Menaxhim të centralizuar të pajisjeve dhe përdoruesve;
- Integrimin me Firewall dhe Proxy Server.

4. IMPLEMENTIMI

Operatori ekonomik duhet të:

- Kryejë analizën e infrastrukturës ekzistuese;
- Hartojë planin e implementimit;
- Realizojë instalimin, konfigurimin dhe integrimin e sistemeve;
- Kryejë testimet funksionale dhe të sigurisë;
- Dorëzojë sistemin funksional dhe të dokumentuar.

5. TESTIMI DHE PRANIMI

Pranimi i projektit do të kryhet pas verifikimit të:

- Funksionimit të Firewall-it dhe politikave të sigurisë;
- Funksionimit të VPN;
- Funksionimit të IPS dhe Web Filtering;
- Funksionimit të Proxy Server-it;
- Autentikimit përmes Active Directory;
- Integritetit ndërmjet sistemeve;
- Filtrimit dhe kontrollit të aksesit në internet.

Autoriteti Kontraktor rezervon të drejtën për testime shtesë.

6. DOKUMENTACIONI

Operatori ekonomik duhet të dorëzojë:

- Dokumentacion teknik të konfigurimeve;
- Diagram logjik të infrastrukturës;
- Dokumentacion për Firewall, Proxy Server dhe Active Directory;
- Backup të konfigurimeve;
- Raport testimi dhe implementimi;
- Manual administrimi për stafin IT.

7. TRAJNIMI

Operatori ekonomik duhet të ofrojë trajnim bazë për administrimin e Firewall-it, Proxy Server-it dhe Active Directory.

8. GARANCIA DHE MBËSHTETJA

- Minimum 12 muaj garanci për implementimin;
- Mbështetje teknike gjatë periudhës së garancisë;
- Kohë reagimi për incidente kritike deri në 4 orë pune;
- Suport në distancë dhe në vend sipas nevojës.

9. AFATI I REALIZIMIT

Afati maksimal i realizimit të projektit është 30 ditë kalendarike nga data e nënshkrimit të kontratës.

10. DISPOZITA PËRFUNDIMTARE

Të gjitha konfigurimet dhe implementimet duhet të realizohen në përputhje me praktikat më të mira të industrisë dhe standardet e sigurisë së informacionit.

Autoriteti Kontraktor rezervon të drejtën të kërkojë sqarime dhe verifikime shtesë gjatë procesit të implementimit dhe pranimin të projektit.

1. KRITERET E PËRGJITHSHME TË PËRZGJEDHJES/ KUALIFIKIMIT

Ofertuesi deklaron se:

- a) është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;
- b) nuk është në proces falimentimi (status aktiv);
- c) nuk është dënuar për ndonjë vepër penale, në përputhje me nenin 76/1 të LPP-së;
- ç) personi (personat) që veprojnë si anëtar i organit administrativ, drejtori ose mbikëqyrësi, aksioneri ose ortak, ose që ka fuqi përfaqësuese, vendimmarrëse ose kontrolluese brenda Operatorit Ekonomik, nuk është i dënuar ose nuk ka qenë i dënuar nga një vendim i gjykatës i formës së prerë për çdo vepër penale, të përcaktuar në nenin 76/1 të LPP-së;
- d) nuk është dënuar me vendim gjyqësor të formës së prerë në lidhje me veprimtarinë profesionale;
- dh) nuk ka pagesa të pashlyera të taksave dhe kontributeve të sigurimeve shoqërore, ose ndodhet në një prej kushteve të parashikuara në nenin 76/2 të LPP-së;

e) ka paguar energjinë elektrike dhe plotëson kërkesat që burojnë nga legjislacioni në fuqi. Ky informacion kërkohet për Operatorët Ekonomikë, të cilët operojnë në territorin e Republikës së Shqipërisë.

f) nuk është në kushtet e konfliktit të interesit, sipas legjislacionit në fuqi;

g) ushtron veprimtarinë në përputhje me legjislacionin përkatës mjedisor, social dhe të punës;

gj) ka paraqitur një Ofertë të pavarur, sipas kërkesave të legjislacionit në fuqi;

h) kryen aktivitetin në përputhje me kërkesat e legjislacionit në fuqi.

i) nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë/kanë qenë në këtë cilësi në një operator ekonomik të përjashtuar nga e drejta për të përfituar fonde publike, me vendim të Agjencisë së Prokurimit Publik, gjatë kohës që ky vendim është në fuqi.

Nëse gjuha e përdorur në procedurë është gjuha shqipe, atëherë dokumentet e gjuhës së huaj duhet të shoqërohen nga një përkthim i noterizuar në shqip.

Këto kritere duhet të përmbushen me paraqitjen e Formularit Përmbledhës të Vetëdeklarimit të operatorit ekonomik në ditën e hapjes së Ofertës, sipas Shtojcës 10.

Në rast bashkimi të operatorëve ekonomikë, secili anëtar i grupit duhet të paraqesë Vetëdeklarimin e lartpërmendur.

Në rast se operatori ekonomik ofertues do të mbështetet në kapacitetet e subjekteve të tjera, Vetëdeklarimi i lartpërmendur duhet të paraqitet edhe nga subjekti mbështetës.

Kriteret e Përgjithshme të Pranimit nuk duhet të ndryshohen nga Autoritetet/Entet Kontraktore.

Në çdo rast, Autoriteti/EntiKontraktor ka të drejtë të kryejë verifikimet e nevojshme për vërtetësinë e informacionit të deklaruar nga Operatori Ekonomik, për sa më sipër.

➤ Nëse oferta paraqitet nga një bashkim Operatorësh Ekonomikë, do të paraqitet :

Marrëveshje bashkëpunimi ndërmjet Operatorëve Ekonomikë, ku caktohet përfaqësuesi, përqindja e pjesëmarrjes në bashkim, dhe elementët që merr përsipër të realizojë secili prej anëtarëve të bashkimit.

➤ Nëse, një operator ekonomik dëshiron të mbështetet në kapacitetet e subjekteve të tjera, ai i vërteton autoritetit ose entit kontraktor se do të ketë në dispozicion burimet e nevojshme, duke dorëzuar një angazhim me shkrim të këtyre subjekteve për këtë qëllim.

2. KRITERET E VEÇANTA TË KUALIFIKIMIT

1. Ofertuesi duhet të paraqesë:

a. *Formularin Përmbledhës të Vetëdeklarimit, sipas shtojcës 10*

b. *Sigurimin e Ofertës, sipas Shtojcës 3;*

Argumentimi: Kërkesat e mësipërme bazohen në nenet 82 dhe 83 të LPP, nenit 26, të VKM nr. 285, datë 19.05.2021 “Për miratimin e rregullave të prokurimit publik” i ndryshuar.

Kriteret e mësipërme janë vendosur në përputhje me Nenin 82 “Formulari përmbledhës i vetdeklarimit” dhe Neni 83 “Sigurimi i ofertes”, të Ligjit Nr.162/2020 “Për Prokurimin Publik” si dhe në mbështetje të nenit 30, pika 1, të VKM-së Nr.285, datë 19.5.2021 “Për Miratimin e Rregullave të Prokurimit Publik: citojmë Neni 83 i LPP “Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël”, Neni 82, i LPP “1. Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetdëklarimit, sipas parashikimeve të këtij ligji. Përmbajtja e këtij formulari përcaktohet në rregullat e prokurimit publik”.

2. Ofertuesi duhet të paraqesë:

2.1 Kapacitetin profesional të operatorëve ekonomikë:

Sipas kriterëve të përgjithshme

Argumentimi: Kërkesa e mësipërme bazohet në nenin 77, pika 1/a dhe 2, të LPP, nenit 41, pika 4, të VKM nr. 285, datë 19.05.2021 “Për miratimin e rregullave të prokurimit publik” i ndryshuar.

2.2 Kapaciteti ekonomik dhe financiar:

2.2.1 Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore për vitet financiare 2023, 2024, 2025 ku vlera e xhiros për të paktën një nga vitet e periudhës së kërkuar duhet të jetë jo më e vogël se 40 % e vlerës së parashikuar të kontratës (vlera e fondit limit)

2.2.2 Operatorët ekonomikë duhet të paraqesin bilancet vjetore, për vitet financiare 2023, 2024, 2025 të konfirmuara nga administrata tatimore, ku bilancet e dy viteve të njëpasnjëshme, nuk duhet të kenë raport negativ ndërmjet aktivit dhe pasivit.

Në rastin e bashkimit të operatorëve ekonomik, çdo anëtar i grupit duhet të dorëzojë vërtetimin lëshuar nga autoriteti përkatës në të cilin është regjistruar sipas QKB.

Shënim: Kjo kërkesë përmbushet nëpërmjet plotësimit dhe paraqitjes nga operatorët ekonomikë të formularit përmbledhës të vetëdeklarimit, sipas shtojcës 10 të DST. Dokumentacioni provues do të paraqitet nga ofertuesi i kualifikuar në vend të parë, pranë autoritetit kontraktor, përpara publikimit të njoftimit të fituesit dhe nisjes së afateve të ankimit ose nëse do të jetë nevoja për t'u kërkuar sqarime nga AK.

Në cdo rast AK ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik ose ti kërkojë operatorit ekonomik sqarime dhe dokumente mbështetëse për këto sqarime.

Argumentimi: Kërkesat e mësipërme janë përcaktuar sipas vlerës së fondit limit të kësaj procedure, sipas nenit 77, pika 3, të ligjit nr. 162/2020, si dhe neneve 43 dhe 55, të VKM-së nr. 285, datë 19.05.2021 "Për miratimin e rregullave të prokurimit publik", me qëllim që autoriteti kontraktor të kuptojë nëse operatorët ekonomikë ofertues kanë apo zotërojnë mundësitë e nevojshme financiare për të përmbyllur punët publike me sukses. Xhirot e tre viteve të fundit janë 2021, 2022 dhe 2023, që rezulton të jenë përmbyllur edhe sipas legjislacionit tatimor. Përqindja e kërkuar mbi xhiron vjetore është një përqindje minimale sipas RRPP-ve dhe xhiro e tre vjetëve e kërkuar, jo vetëm që përputhet me praktikën administrative të prokurimeve publike të ndjekur deri më tani, por është e rëndësishme për të vlerësuar kapacitetin ekonomik të ofertuesit dhe kuptuar nëse është i aftë financiarisht për të përmbyllur punët publike pranë autoritetit kontraktor.

Po kështu, që nga operatorët ekonomikë të vërtetohet kapaciteti ekonomik, ata mund të paraqesin kopje të bilanceve të tre viteve të fundit për vitet 2022, 2023, 2024, si mbas xhirove vjetore, të depozituar pranë autoriteteve përkatëse tatimore, të konfirmuara nga ky autoritet, sipas ligjit nr. 10091, datë 05.03.2009 "Për auditimin ligjor, organizimin e profesionit të ekspertit kontabël të regjistruar dhe të kontabilistit të miratuar", të ndryshuar. Paraqitja e bilanceve është një mundësi, në rast se operatori ekonomik ofertues paraqet xhirot e kërkuara. Këto kërkesa të vendosura në DST (për mundësinë e paraqitjes së bilanceve dhe detyrimin e paraqitjes së dokumenteve për xhiron vjetore) përputhen edhe me nenin 9 të ligjit nr. 25/2018 "Për kontabilitetin dhe pasqyrat financiare" dhe ligjin nr. 10091, datë 05.03.2009 "Për auditimin ligjor, organizimin e profesionit të ekspertit kontabël të regjistruar dhe kontabilistit të miratuar", të ndryshuar, sipas të cilëve periudha e raportimit financiar është 12 muaj dhe periudha e depozitimit të pasqyrave financiare është nga 12-15 muaj. Po kështu, duke qenë se mund të marrin pjesë si ofertues edhe bashkime operatorësh ekonomikë, atëherë secili prej operatorëve ekonomikë të bashkuar, duhet të depozitojë dokumentacionin si më lart.

Përcaktimi i viteve të kërkuara për paraqitjen e bilanceve është bërë duke i'u referuar legjislacionit të fushës, konkretisht, ligjit nr. 8438, datë 28.12.1998 "Për tatimin mbi të ardhurat", të ndryshuar, ku përcaktohen kushtet dhe afatet e dorëzimit për Deklaratat individuale vjetore e të ardhurave: "Çdo tatimpagues përgatit deklaratën vjetore të të ardhurave të tatueshme në

formën e përcaktuar në udhëzimin e Ministrit të Financave në zbatim të këtij ligji. Tatimpaguesit paraqesin deklaratën vjetore në organet tatimore brenda datës 31 mars të vitit pasardhës, duke paraqitur në të njëjtën kohë bilancin kontabël, së bashku me anekset e tij, si dhe çdo të dhënë tjetër të përcaktuar në udhëzimin e Ministrit të Financave në zbatim të këtij ligji.”; si dhe shkronjës c, të nenit 41 të ligjit nr. 10091, datë 5.3.2009 ”Për auditimin ligjor, organizimin e profesionit të audituesit ligjor dhe të kontabilistit të miratuar”, ku parashikohet se: ”Detyrohen të kryejnë auditimin ligjor të pasqyrave financiare vjetore, përpara publikimit të tyre, nga ekspertë kontabël ose shoqëri audituese: ... c) shoqëritë me përgjegjësi të kufizuar, të cilat zbatojnë për raportimin financiar standardet kombëtare të kontabilitetit, kur, në mbyllje të periudhës kontabël, për dy vite radhazi, tejkalojnë dy prej tre treguesve të mëposhtëm: i. totali i aktiveve të bilancit, në mbyllje të periudhës kontabël përkatëse, arrin ose e kalon shumën prej 50 milionë lekësh; ii. shuma e të ardhurave nga veprimtaria ekonomike (qarkullimi) në atë periudhë kontabël arrin ose e kalon shumën prej 100 milionë lekësh; iii. ka, mesatarisht, 30 të punësuar gjatë periudhës kontabël.”. Po kështu, kjo kërkesë bazohet edhe në udhëzimin e Ministrit të Financave nr. 5, datë 30.01.2006 ”Për tatimin mbi të ardhurat”, i ndryshuar, si dhe kërkesave të ligjit nr. 25/2018 ”Për kontabilitetin dhe pasqyrat financiare”.

2.2 Aftësitë teknike dhe profesionale:

2.2.1 Sherbime të mëparshme të ngjashme me një vlerë prej 20% të fondit limit të objektit të prokurimit, të realizuar gjatë tre viteve të fundit nga data e shpalljes së njoftimit të kontratës, vertetuar me dokumentacionin vertetues si më poshtë:

- a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose/dhe fatura tatimore të shitjes, të plotësuar sipas kërkesave të legjislacionit në fuqi dhe të deklaruara në organet tatimore ku shënohen datat, shumat dhe sasi të mallrave të furnizuara,
- b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuar sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 ”Për prokurimin publik” dhe nenit 40, pika 4 (ose në rastin e procedurave të thjeshtuara në nenin 55, pika 4/b), të VKM nr. 285, datë 19.05.2021 ”Për miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë në vlerën jo më pak se 20 % të vlerës së fondit limit, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

Kontrata e ngjashme eshte e domosdoshme per te vertetuar eksperiencen e operatoreve ekonomik ofertues, me qellim qe te garantohet zbatimi i kontrates me sukses, vlera eshte e percaktuar me VKM .

2.2.2 Operatori ekonomik duhet të paraqesë çertifikata të vlefshme:

- ISO 9001 ose ekuivalente të sistemit të menaxhimit të cilësisë,
- ISO 27001-2022 ose ekuivalente për sistemin e menaxhimit të sigurtisë së informacionit

Qëllimi i certifikimit të kompanisë duhet të jetë sipas fushës së objektit që do të prokurohet.

Çertifikatat të jenë lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë.

Argumentimi: Kërkesat e mësipërme vendosur bazuar në nenin 77 e LPP, si dhe nenit 44 të VKM nr. 285, datë 19.05.2021 “Për miratimin e rregullave të prokurimit publik”. Keto kritere janë gjykuar si të domosdoshme, pasi keto çertifikata ka të bëjnë me tre elemente shumë të rëndësishme:

ISO 9001: Cilësia e kryerjes së shërbimit; shërben autoritetit kontraktor për të garnatuar se operatorët ekonomik ofertues janë të certifikuar për të kryer shërbime me cilësi sipas standarteve

ISO 27001-2022 ose ekuivalente për sistemin e menaxhimit të sigurtisë së informacionit; shërben autoritetit kontraktor për të garnatuar se operatorët ekonomik ofertues janë të certifikuar në menaxhimin e sigurtisë së informacionit.

2.3.3 Për shkak të natyrës kritike të projektit dhe kompleksitetit teknik të shërbimit operatori ekonomik duhet të disponojë staf të specializuar dhe të certifikuar në fushat përkatëse si më poshtë:

1. Operatori ekonomik duhet të disponojë minimalisht 1 (një) Project Manager të certifikuar.

Ky rol është i nevojshëm për:

- koordinimin e aktiviteteve të projektit;
- menaxhimin e afateve dhe deliverables;
- monitorimin e implementimit;
- komunikimin institucional;
- garantimin e realizimit të projektit sipas standardeve të përcaktuara.

Menaxhimi korrekt i projektit është faktor kyç për realizimin në kohë dhe me cilësi të objektit të kontratës.

2. Operatori ekonomik duhet të disponojë minimalisht 1 (një) specialist të certifikuar për sigurinë e rrjetit.

Eksperti do të jetë përgjegjës për:

- analizimin e infrastrukturës së rrjetit;
- identifikimin e dobësive teknike;
- hartimin e masave të segmentimit dhe mbrojtjes së rrjetit;
- përcaktimin e kontrolleve të aksesit dhe komunikimit.

3. Operatori ekonomik duhet të disponojë minimalisht 1 (një) specialist të certifikuar MCSE ose ekuivalent.

Kjo kërkesë justifikohet nga fakti se infrastruktura e institucioneve publike mbështetet kryesisht në:

- Microsoft Active Directory;
- Windows Server;
- Microsoft Exchange;
- platforma Microsoft për administrimin e përdoruesve dhe aksesit.

Eksperti do të asistojë në implementimin e kontrolleve të sigurisë në ambientet Microsoft.

- rekomandimet për përmirësim të vazhdueshëm.

4. Operatori ekonomik duhet të disponojë minimalisht 1 (një) specialist të certifikuar MCSA ose ekuivalent.

Kjo kërkesë justifikohet nga fakti se infrastruktura e institucioneve publike mbështetet kryesisht në:

- Microsoft Active Directory;
- Windows Server;
- Microsoft Exchange;
- platforma Microsoft për administrimin e përdoruesve dhe aksesit.

Eksperti do të asistojë në implementimin e kontrolleve të sigurisë në ambientet Microsoft.

- rekomandimet për përmirësim të vazhdueshëm.

5. Operatori ekonomik duhet të disponojë minimalisht 1 (një) specialist të certifikuar Fortinet NSE 3 Operator (FortiGate 7.6 Operator) ose ekuivalent.

Shënim: *Kerkesat e mesiperme ne lidhje me stafin përmbushen nëpërmjet plotësimit dhe paraqitjes nga operatorët ekonomikë të formularit përmbledhës të vetëdeklarimit, sipas shtojcës 10 të DST. Dokumentacioni provues do të paraqitet nga ofertuesi i kualifikuar në vend të parë, pranë autoritetit kontraktor, përpara publikimit të njoftimit të fituesit dhe nisjes së afateve të ankimit ose nëse do të jetë nevoja për t'u kërkuar sqarime nga AK.*

Argumentimi

Për të provuar kapacitetet teknike dhe profesionale të shoqërisë është kërkuar personel i nevojshëm referuar zërave të preventivit dhe termave të references të objektit për realizimin e kontrates në mbështetje të pikës 4 të Nenit 77 të Ligjit 162, datë 23.12.2020, për “Prokurimin publik”, ku përcaktohet se “në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie” si dhe në mbështetje të Nenit 39 të VKM Nr.285, datë 19.05.2021 “Për miratimin e rregullave të prokurimit publik”, pika 6, germa (c) ku specifikisht përcaktohet: Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon: :..... një listë të personelit kryesor, të nevojshëm për të zbatuar objektin e prokurimit dhe/ose komponentët e saj. Në rastin konkret është e domosdoshme stafi i specializuar pasi kemi të bëjmë me një proces shërbimi që kërkon njohuri specifike për të gjithë procesin.

Në konsideratë të përcaktimit të nenit 26, pika 6, të VKM nr. 285, datë 19.05.2021, i ndryshuar, “Përpara publikimit të njoftimit të fituesit dhe nisjes së afateve të ankimit, ofertuesi i kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike, duhet të paraqiten në origjinal ose në kopje të njësuar me origjinalin.”.

Njesia e Prokurimit